

Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaat pillugu Namminersorlutik oqartussat nalunaarutaat

Matumuuna Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaat nr. 1, 31. maaji 2001-meersumi, nr. 11, 15. apriili 2003-meersumi, Inatsisartut inatsisaat nr. 1, 12. maaji 2005-meersumi, Inatsisartut inatsisaat nr. 1, 8. juuni 2006-meersumi, Inatsisartut inatsisaat nr. 16, 3. decemberi 2009-meersumi, Inatsisartut inatsisaat nr. 25, 18. novemberi 2010-meersumi, Inatsisartut inatsisaat nr. 4, 3. juuni 2015-meersumi kiisalu Inatsisartut inatsisaat nr. 25, 17. novemberi 2017-meersumi allannguutit ilanngullugit Inatsisartut inatsisaat nalunaarutigineqarpoq.

§ 1. Inatsisartuni naalakkersuinikkut sulineq nukittorsarumallugu naalakkersuinikkut partiit, kattusseqatigiillu Inatsisartuni ilaasortaatitaqartut inuillu ataasiakkaat partiit avataatigut qinigaasimasut aningaasanik tapiiffigineqartarput.

Imm. 2. Inatsisartuni ilaasortanut, partii kattusseqatigiilluunniit sinnerlugit qinigaasimasunut, partiimit kattusseqatigiinnilluunniit tunuartunut tapiissuteqartoqartassaartaaq.

Imm. 3. Tamatuma saniatigut kommunimut Inatsisartunulluunniit qineqqusaarnermut aningaasartuutit tapiiffigineqarsinnaapput.

Imm. 4. Kalaallit Nunaanni Namminersorlutik Oqartussat partiinut, kattusseqatigiinnut kisimiillutilluunniit qinigaasunut aningaasatigut toqqaannartumik toqqaannangikkaluamilluunniit tapiissuteqarsinnaanngillat, tamanna inatsimmi matumani inatsimmilluunniit allami erseqqissumik tunngavissinneqarsimanngippat.

Imm. 5. Imm. 4 apeqquaatinnagu Inatsisartunut ilaasortat inatsisartuni sulinerannut atatillugu allaffinnik, ataatsimiittarfinnik assigisaannillu Kalaallit Nunaanni Namminersorlutik Oqartussat akeqanngitsumik atugassiinnaapput.

Inatsisartuni sulinermut tapiissutit

§ 2. Naalakkersuinikkut suliniaqatigiiffik, partii, Inatsisartuni qinikkanik sinniisoqartoq partiip naalakkersuinikkut sulineranut ukiumut 850.000 kr.-inik tunngaviusumik tapiissummik kiisalu partiip qinigaatitaa ataaseq 275.000 kr.-inik annertussusilinnik qinikkatut tapiissutisisinnaatitaapput. Tunngaviusumik tapiissutit qinikkamullu tapiissutit Kalaallit Nunaanni kisitsit akinut iluarsissutaasartoq naapertorlugu, taamaattorli koruuninut 100-mik aggorneqarsinnaasunut qaninnerpaanut akunnaallisillugu, qaammatisiutit ukiuata aallartinnerani ukiumut ataasiarlugu iluarsineqartassaaq. Iluarsissuteqarneq siulleg 2019-imi pissaaq.

Imm. 2. Imm. 1-imi taaneqartutut Inatsisartut ilaasortaanut partiit avataatigut qinigaasunut imaluunniit kattusseqatigiit sinnerlugit qinigaasunut tunngaviusumik kiisalu qinikkamut tapiissuteqartoqarsinnaavoq.

Imm. 3. Inatsisartuni ilaasortat kattusseqatigiillutik arlaliullutik qinigaasimappata naalakkersuinikkut suliniaqatigiiffimmut partiimut sinniisutulli ilaasortat naalakkersuinikkut sulinerannut kattusseqatigiinnut taamatut ataatsimoortumik tapiissuteqartoqassaaq.

Imm. 4. Immikkoortut 1-imiit 3-mut malillugit tapiiffigineqarnissamik qinnuteqaatit ukiumi qinnuteqarfiusumi tunniutereersimaneqassapput kingusinnerpaamik ukiumi qinnuteqarfiusumi 1. marts.

§ 3. Partii, kattusseqatigiit imaluunniit ilaasortaq partiit avataatigut qinigaasoq siusinnerusukkat Inatsisartuni ilaasortaasimanngikkuni tapiiffigineqarsinnaatitaavoq § 2, imm. 1 - 3 malillugit.

Imm. 2. Imm. 1 malillugu tapiissutit ukiumi qinersiviusumi tunniunneqassapput qaammammit qinersivimmiit ukiumut tapiissutissat agguaqatigiinnerat naapertorlugu.

Imm. 3. Imm. 1 malillugu naalakkersuinikkut sulinnermut tapiissutissanik qinnuteqaat kingusinnerpaamik tunniunneqarsimassaaq qinersinerup kingornatigut qaammatit marluk qaangiunneranni.

§ 3 a. Naalakkersuinikkut suliniaqatigiiffik, partii, Inatsisartunut qinersinnermi kingullermi Inatsisartunut qinigassanngortinngitsoq qinigaatitaqanngitsorluunniit, kisiannili kingusinnerusukkat Inatsisartunut ilaasortap ataatsip ilaasortalluunniit arlallit sinniisuuffigissallugu nuuffigisaat, partiip Inatsisartuni naalakkersuinikkut sulineranut tapiissutisisinnaatitaavoq. Tapiissut partiip ilaasortaatitaanut ataasiakkaanut tamanut ukiumut 275.000 kr.-iuvoq. Tapiissutit Kalaallit Nunaanni kisitsit akinut iluarsissutaasartooq naapertorlugu, taamaattorli koruuninut 100-mik aggorneqarsinnaasunut qaninnerpaanut akunnaallisillugu, qaammatisiutit ukiuata aallartinnerani ukiumut ataasiarlugu iluarsineqartassaaq. Iluarsissuteqarneq siullesq 2019-imi pissaaq.

Imm. 2. Imm. 1 malillugu tapiissutit ukiumi partiip sinniisuutitaqalernerani ukiumoortumik tapiissutit ilaattut, qaammatip partiip sinniisuutitaqalerfiata naaneraniit naatsorsorlugit, tunniunneqartassapput.

Imm. 3. Partiip sinniisaa § 4 malillugu, pineqartoq partiimut sinniisuuffigilikaminut nuutsinnagu, attaviitsutut tapiissutisisinappat, qinikkamut pineqartumut partii qinigaatitamut tapiissutisisinnaanngilaq piffissamut sinniisuutitarilikkap § 4 malillugu tapiissutisiffigisimasaanut.

§ 4. Inatsisartunut ilaasortaq partiimiit kattusseqatigiinnilluunniit qinigaasimasooq partiimit kattusseqatigiinnilluunniit tunuortoq Inatsisartuni naalakkersuinikkut sulinnerminut tapiissutisisinnaatitaavoq. Tapiissut ukiumut 275.000 kr.-iuvoq. Tapiissutit Kalaallit Nunaanni kisitsit akinut iluarsissutaasartooq naapertorlugu, taamaattorli koruuninut 100-mik aggorneqarsinnaasunut qaninnerpaanut akunnaallisillugu, qaammatisiutit ukiuata aallartinnerani ukiumut ataasiarlugu iluarsineqartassaaq. Iluarsissuteqarneq siullesq 2019-imi pissaaq.

Imm. 2. Imm. 1 malillugu tapiissutit tunniunneqartassapput ukiumi partiimit kattusseqatigiinnilluunniit tunuarfiusumi qaammammit partiimit kattusseqatigiinnilluunniit tunuarfiup naaneraniit agguaqatigiissillugu ukiumoortumik pisassat tunngavigalugit.

Imm. 3. Imm. 1 malillugu tapiissutit qinnutigineqassapput partiimit kattuseqatigiinnilluunniit tunuarnerup kingornatigut kingusinnerpaamik qaammatit marluk qaangiunneranni.

§ 4 a. § 2 aamma 3a malillugit qinigaatitamut ataatsimut tapiissutit aamma § 4 malillugu tapiissutit qaammatinut ilivitsunut tamanut Inatsisartunut ilaasortap pineqartup atuuffimminik aningaasatigullu soqutigisaminik allanik paasissutissiisussaataitanerminik naammassinniffiginngisaanut tunniunneqartassanngillat.

Imm. 2. Imm. 1 malillugu paasissutissiisussaataaneq atuutissaaq, tamanna Inatsisartut Suleriaasianni aalajangersarneqarsimaguni. Tassanissaaq aalajangersarneqarsinnaavoq paasissutissat aalajangersimasumik iluseqassasut, taamatullu aamma tamanut saqqummiunneqarsinnaassasut.

Imm. 3. Imm. 1 naapertorlugu qinigaatitamut ataatsimut tapiissutit tunniunneqareersut qaammatit arfinillit tikillugit utertinneqarnissat piumasarineqarsinnaavoq, paasinarsissagaluarpasut paasissutissiisutaasussat amigaatigineqartut annertuunilluunniit amigaateqartut.

Naatsorsuinermit tunngaviusut

§ 5. §§-it 2-4 malillugit tapiissutit qinnuteqareernikkut ukiumut ataasiarlutik tunniunneqartarput, ukiup affaanut piffissanut 1. januarimiit 30. juunimut aamma 1. juulimiit 31. decembarimut atuuttussasut.

Imm. 2. § 2, imm. 1 aamma 3, aamma § 3a malillugit tapiissutit ukiup affaanut siullermut naatsorsorneqartassapput ukiumi qinnuteqarfimmi 1. januarimi ilaasortaqaassuseq tunngavigalugu, ukiullu affaanut kingullermut naatsorsorneqartassallutik ukiumi qinnuteqarfimmi 1. julimi ilaasortaqaassuseq tunngavigalugu.

Imm. 3. Tapiissutit § 2, § 3a aamma § 4 malillugu partiimut, kattusseqatigiinnut ilaasortanulluunniit ataasiakkaanut ilaasortaajunnaartumulluunniit ukiup affaani qinersiviusumi tunniutassat ikilineqaratilluunniit amerlineqassanngillat, qinersineq 1. januarimut 1. julimulluunniit ilaasortat agguataarneqarnerannut sanilliullugu allannguuteqartitsisimagaluarpalluunniit

Qineqqusaarnermut tapiissutit

§ 6. Partii partiilluunniit avataatigut nunaqarfinni aqutsisunut, kommunimut Inatsisartunulluunniit qineqqusaartoq qinersineq sioqqullugu naalakkersuinikkut sulinermini aningaasartuutiminut tapiiffigineqarsinnaavoq.

Imm. 2. Partiinut partiillu avataatigut qinigassanngortittunut tapiissutit aningaasat inatsisaanni aalajangerneqartassapput.

§ 7. Qinersineq sioqqullugu naalakkersuinikkut sulisimanermit tapiissutit qinnutigineqassapput kingusinnerpaamik qinersinerup kingornatigut qaammatit marluk qaangiunneranni.

Qinnuteqarnek aningaasallu tigunerat

§ 8. §§ 2 - 4 malillugit qinnuteqaatit Inatsisartut Siulittaasoqarfiannut tunniunneqassapput, tassa taakkua aalajangissammasut tapiiffigineqarnissamut piumasaqaatit eqqortinneqarsimanersut.

Imm. 2. Tapiiffigineqarnissamik qinnuteqaat tunniunneqassaaq partiip siulersuisuunerinit, kattusseqatigiit sinniisuannit aamma partiit avataatigut Inatsisartuni ilaasortaasumit imaluunniit partiit avataatigut qinigassanngortittumit tapiissutillu taakkununga tunniunneqassapput.

Imm. 3. § 6 malillugu tapiiffigineqarnissamik qinnuteqaatit Naalakkersuisunut tunniunneqartassapput.

§ 9. Inatsisartut inatsisaat manna naapertorlugu tapiissutit bankimi kontumut immikkut inissitamut ikineqassapput, taakkulu siunertanut allanut atorineqassanngillat.

Imm. 2. §§ 2 - 4-imut malillugit tapiissutit tigusisartut ukiut tamaasa qinnuteqarnerminnut aammalu naatsorsuutit kukkunersiuukkanik nassiussinnerminnut ilanngullugu Inatsisartut Siulittaasoqarfiannut uppersarsarlugu nalunaarutigisassavaat qaamatisiutit ukiuanni qaangiuttu-mi tapiissutit naalakkersuinikkut sulinermit ilumut atorineqarsimasut, kiisalu tamanna nangeq-qinneqassasoq. Aammattaaq ukiut tamaasa kingusinnerpaamik 30. juni ukiumut siulianut naatsorsuutit kukkunersiuukkanik Inatsisartut Siulittaasoqarfiannut nassiussisoqartassaaq. Naatsorsuutit tiguneqarpata Inatsisartut Siulittaasoqarfiannit tamanut saqqummiunneqassapput. Ukiup affaanut siullermut tapiissutit Inatsisartut Siulittaasoqarfiata tapiiffigineqarnissamik qinnuteqaat suliarereeraangagu tunniunneqartassapput. Ukiup affaanut kingullermut tapiissutit ukiumut siulianut naatsorsuutit kukkunersiuukat nassiunneqareeraangata, siusinnerpaamilli 1, juli, tunniunneqartassapput. Taamatut uppersarsaalluni nalunaaruteqartoqanngippat Inatsisartut Siulittaasoqarfiat aalajangersinnaavoq tapiissutit tunniutassat tullit kinguartinneqassasut tunniutinngiinnarneqassasulluunniit.

Imm. 3. § 6 malillugu tapiissuteqarfigineqarsimasut ukiup ullorsiuteqarfusup qinersisoqareernerata kingorna tullinnguuttup aallartinnerata kingornani aallartereerneraniit kingusinnerpaamik qaammatit arfinillit qaangiunneranni uppersarsarlugu Naalakkersuisunut nalunaarutigisassavaat aningaasat qinersineq sioqqullugu naalakkersuinikkut suliniarnermit ilumut atorineqarsimasut. 25.000-init amerlanerusunik tapiissutisimasut uppersarsarlugu nalunaarumminnut ilanngullu-git tapiissutit atorineqarnerinut naatsorsuutit kukkunersiuukkanik nassiussaqaassapput. Taamatut uppersarsarlugu nalunaaruteqartoqanngippat imaluunniit naatsorsuutit kukkunersiuukkanik nassiussisoqanngippat Naalakkersuisut aalajangersinnaavaat tapiissutigineqarsimasut tamakker-lugit ilaannakorlugilluunniit utertinneqassasut.

Imm. 4. Naalakkersuinikkut sulinaqatigiiffit, kattusseqatigiit ilaasortalluunniit ataasiakkaat sinnerlugit aningaasartuutit inatsit manna malillugu partiinut tapiissutit Inatsisartut ilanngaasinnaapput ilanngaasitsisinnaallutilluunniit.

§ 10. Inatsit manna naapertorlugu tapiissutaasut isertitatut akileraarutaasussatut isigineqassanngillat. Tapiissutit erniatigut isertitaqaataasimappata akileraarutissanut ilanngunneqassanngillat.

Imm. 2. Inatsit manna malillugu tapiissutit aningaasartuutit Nunatta karsianit matuneqassapput.

§ 11. Inatsit atortuulerpoq 1. januar 2002.

Imm. 2. 2001-imi tapiissutigineqarsimasut pillugit § 9 malillugu naatsorsuutit kukkunersiuuk-kanik nassiussisoqassanngilaq.

Imm. 3. Tamatuma peqatigisaanik atorunnaarsinneqassapput naalakkersuinikkut suliaqarnermut tapiissutit pillugit Inatsisartut inatsisaat nr. 9, 31. oktober 1995-imeersoq kiisalu naalakkersuinikkut suliaqarnermut Inatsisartut inatsisaata allannguutaa nr. 5, 11. november 2000-imeersoq.

Naalakkersuinikkut sulinermit aningaasatigut tapiissuteqartarneq pillugu Inatsisartut inatsisaata allanngortinneqarneranik Inatsisartut inatsisaat nr. 11, 15. aprili 2003-meersoq (Tapiissutininik pissarsisut naatsorsuutininik kukkunerisukkanik nassiussinissaannut tunniussivissatut piffissaliussaq)¹ atuutilersitsinissamut ataani taakkartorneqartunik imaqarpoq:

§ 2

Allannguutit ulloq 31. decemberi 2003-mi atortuutilerput.

Naalakkersuinikkut sulinermit aningaasatigut tapiissuteqartarneq pillugu Inatsisartut inatsisaata allanngortinneqarnissaanut Inatsisartut inatsisaat nr. 1, 12 maaji 2005-meersoq (Kommunimut Inatsisartunullu qinersinernut peqataanermi aningaasartuutininik matussusiinissamut aningaasatigut tapiiffigineqartarnermi nalunaarummik naatsorsuutinillu kukkunerisukkanik nassiussisarnissamut piffissaliussamik allannguneq)² atuutilersitsinissamut ataani taakkartorneqartunik imaqarpoq:

§ 2

Inatsisartut inatsisaat 1. juuni 2005-mi atuutilissaq tapiissutinullu 1. januaari 2005-ip kingorna tunniunneqartunut sunniuteqassalluni.

Naalakkersuinikkut sulinermit aningaasatigut tapiissuteqartarneq pillugu Inatsisartut inatsisaata allanngortinneqarneranik Inatsisartut inatsisaat kiisalu Inatsisartunut Naalakkersuisunullu ilaasortat aningaasarsiaqartitaanerat il.il. pillugit Inatsisartut inatsisaata allanngortinneqarneranik Inatsisartut inatsisaat nr. 8, 1. juuni 2006-meersoq (Partiitunut tapiissutit qaffanneqarneri tunngaviumillu tapiissutininik agguataarisarneq aammalu qinikkamut tapiissutit, kiisalu Inatsisartunut ilaasortat inatsisikkut piginnaatitaaffiusumik ataasiakkaarlutik paasisassarsiorlutik angalasarnerinik atorunnaarsitsinissaq)³ atuutilersitsinissamut ataani taakkartorneqartunik imaqarpoq:

§ 3

Inatsisartut inatsisaat ulloq 1. juuni 2006 atuutilissaaq. 2006-ip sinneranut naalakkersuinikkut sulinermit tapiissutit qaffaataanik qinnuteqaatit kingusinnerpaamik ulloq 1. aggustusi 2006 tunniunneqassapput.

Naalakkersuinikkut sulinermit aningaasatigut tapiissuteqartarneq pillugu Inatsisartut inatsisaata allanngortinneqarneranik Inatsisartut inatsisaat nr. 16, 3. decembari 2009-meersoq (Partiit aningaasaqarnerisa Inatsisartut allaffeqarfiata missingersuutaanit immikkoortinneqarnerat)⁴ atuutilersitsinissamut ataani taakkartorneqartunik imaqarpoq:

§ 2

Inatsisartut inatsisaat atortuulerpoq ulloq 1. januaari 2010.

Naalakkersuinikkut sulinermit aningaasatigut tapiissuteqartarneq pillugu Inatsisartut inatsisaata allanngortinneqarneranik Inatsisartut inatsisaat nr. 25, 18. novemberi 2010-meersoq (Paasisassarsiorluni angalanernut aningaasat Inatsisartunit partiinut nuunneqarnerat)⁵ atuutilersitsinissamut ataani taakkartorneqartunik imaqarpoq:

§ 2

Inatsisartut inatsisaat ulloq 1. januaari 2011 atuutilerpoq.

Naalakkersuinikkut sulinermit aningaasatigut tapiissuteqartarneq pillugu Inatsisartut inatsisaata allanngortinneqarneranik Inatsisartut inatsisaat nr. 4, 3. juuni 2015-meersoq (Partiinut nutaanut tunngaviusumik tapiissuteqartannginneq. Atuuffiit allat pillugit paasisutissiinngikkaanni qinigaanermut tapiissutisisinnaannginneq. Partiit sinnerlugit aningaasartuutunik ilanngaassisinnaaneq)⁶ atuutilersitsinissamut ataani taakkartorneqartunik imaqarpoq:

§ 2

Inatsisartut inatsisaat una ulloq 1. juuli 2015 atuutilerpoq.

Naalakkersuinikkut sulinermit aningaasatigut tapiissuteqartarneq pillugu Inatsisartut inatsisaata allanngortinneqarneranik Inatsisartut inatsisaat nr. 25, 17. novemberi 2017-meersoq (Tapiissutunik qaffaaneq)⁷ atuutilersitsinissamut ataani taakkartorneqartunik imaqarpoq:

§ 2

Inatsisartut inatsisaat ulloq 1. januar 2018 atuutilerpoq.

Isumaginninnermut, Suliffeqarnermut Nunamullu Namminermut Naalakkersuisoqarfik ulloq 8. maaqip 2025

Aka Grønvold (atsion.)
Naalakkersuisoqarfinni pisortaagallartoq

/ Mehdi Shams (atsiorn.)

[1] Inatsimmut allannguut § 9, imm. 2.-mut tunngavoq

² Inatsimmut allannguut § 9, imm. 3, 1. imm. -mut tunngavoq

³ Inatsimmut allannguut § 2, imm. 1-3, § 4, imm. 1.-inut tunngassuteqarpoq

⁴ Inatsimmut allannguut § 1, imm. 4-5, § 2, imm. 1, § 4, imm. 1, § 9, imm. 2, allannguut "Landstinget" uunga "Inatsisartut", "Landstingets" uunga "Inatsisartuts", "Landstingsvalg" uunga "Inatsisartutvalg", "Landstingsarbejde" uunga "Inatsisartutarbejde" aamma "Landsstyret" uunga "Naalakkersuisut".

⁵ Inatsimmut allannguut § 2, imm. 1, § 4, imm. 1.

⁶ Inatsimmut allannguut § 3a, § 4a, § 5, imm. 1-3, § 9, imm. 2, imm. 3-4, § 9, imm. 4.

⁷ Inatsimmut allannguut § 2, imm. 1, § 3a, imm. 1, § 4, imm. 1

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut